

八名普密陀羅尼經

讚

大唐三藏法師玄奘奉 詔譯

如是我聞一時薄伽梵在室羅筏住
捨多林給孤獨園與大苾芻眾千二
百五十人俱及无量無數菩薩摩訶
薩并諸天人阿素洛等異類大衆前
後圍遶

尔時世尊告金剛手菩薩言善男子
汝所受持諸上明呪神用威猛功業
難成雖後為益或初暫損今有八名
普密神呪威德廣大事業易成神用
秘密始終無損能受持者必獲利樂
當為汝說汝樂聞不時金剛手歡喜
踊躍頂礼佛足右跪合掌請言世尊
唯願為說

佛言諦聽極善思惟吾今為汝分別
演說何謂八名普密神呪一名切德
寶藏二名莊嚴為耳三名善勇猛四
名勝諦雲五名成熾然六名微妙色
七名嚴飾八名金剛若有得聞此八
名呪於當來世經七俱伽那度多百
千大劫不墮地獄傍生餓鬼將命終

時身心安隱見有諸佛及諸菩薩來
現其前為說大乘甚深法要既聞法
已必得往生觀史多天奉事弥勒後
隨弥勒下賸部洲行願漸增乃至究
竟陀羅尼曰

頌 鉢 鉢 鉢 鉢 鉢 鉢 鉢 鉢
摩 蘇 契 薩 縛 迦 摩 娑 達 泥 呬 梨 寐 梨
薛 薛 梨 悉 殿 都 謎 薩 縛 迦 摩 娑 猷 室
遮 紛 怛 羅 般 陀 莎 呵

佛說如是普密呪時八千俱伽那惡
神鬼皆生歡喜捨離瞋心歸佛法僧
斷惡修善俱詣佛所發誠諦言願常
護持此大神呪令受持者身心安樂
佛言善哉如汝所願若有善男子善
女人歸佛法僧及金剛手能處閑靜
堅修梵行親近制多受持讀誦所求
善願無不皆得乃至無上正等菩提
恒憶宿命無有志失

時薄伽梵說是經已金剛手等一切
菩薩及諸天人阿素洛等一切衆會
聞佛所說皆大歡喜信受奉行

八名普密陀羅尼經

辛丑歲高麗國大藏部監
勅雕造

八名普密陀羅尼經

校勘記

一 底本，麗藏本。

一 二八頁上一行，經名下徑有小註
「與趙宋法賢秘密八名經同本」。

一 二八頁上二行首字「大」，
〔磧、南、徑、清無〕。

一 二八頁上一九行第七字「成」，
〔南、徑、清作「滅」〕。

一 二八頁中一〇行第一〇字「千」，
〔磧、南、徑、清作「十」〕。